

北京大學日刊

(號十五第)

校長布告

△示知各門選科生考試科目及

格者均准改爲正科生

法科三二年級各門選科生暨旁聽生於
學年考試各種科目均經及格者一律特
准改爲正科生茲將各生名次宣示於左
仰該生等遵照可也此示

計開

三年級法律門選科生

尙其江

二年級法律門選科生

白銘 宗亞民 張鳳羣 江學銓

二年級法律門旁聽生

曾秉衡 楊定瀛 呂炳勛 王文典 歐陽拔萃

二年級政治門旁聽生

韓壽晉

二年級商業門旁聽生

席德燿 朱明

△示知津籍學生津貼不日即可

匯到

頃河南財政廳電開何培心等津貼業經
函催豫泉局迅速設法措齊交付中國銀
行匯寄不日即可匯到等因合行牌示仰
該生等知照此示

校長批示

據學生雷國能等呈送雄辯會總章請予
備案一節查所擬總章尙屬可行應准備
案此批

本校布部

▲致
鍾憲豐 夏浮筠 君公函
馮千里 李石竹
何尙平 王彥祖

下星期二日下午三時在校長室開會討
論運動植物學採集標本辦法乞駕臨爲
幸

北京大學啓

▲致評議會諸君通告

本會現定於下星期一
下午三時在校長室開會
特此奉聞

北京大學白

各科通告

▲文科學長告白

文本科二年級哲學門班長趙健請辭班
長一節應照准茲改派該門得票次多數
之陳嘉謨爲該門班長此白

▲文科學長告白

文本科三年級英文門班長曾繁昌請辭
班長一節應照准此白

▲文科教務處告白

文本科三年級英文門班長一席茲經同
班覆選袁振英君得票最多應舉爲該門

班長特此通告

▲理科學長白

預科二年級甲班學生姚大海請辭班長
之任可照准茲改派方彬蘭接充該班班
長此白

▲理科教務處告白

預科二年級甲班德文讀本李教員本日
請假此白

又

預科二年級甲班德文李教員明日(十
八日)續假一日此白

又

本科地質門亞當士教員因事赴津自明
日起請假二日此白

又

預科二年級各班物理李教員祖鴻己丁
內艱即時不克回校其所任鐘點自下星
期起由秦汾王登兩先生代爲分授每班
每週暫改爲二小時茲將課表列後各生
務查照受課至甲乙兩班有與數學功課
重複俟葉教員銷假時再行另改可也

理 科 班 長 表									
預 科					本 科				
丁 班	丙 班	乙 班	甲 班	地 質 門	化 學 門	物 理 門	數 學 門	別 類 班 長	年 級
		施伯侯	石志仁		汪寶珊	唐鴻志	許光福		三 年 級
	林繼庸	唐文悌	方彬蘭		龔開平	吳家象	王志果		二 年 級
謝馥南	裴元隆	楊東昇	劉維漢	李餘慶	賈振雄	毛準			一 年 級

▲ 理 科 班 長 表

六	五	四	三	二	一	星 期	時 間
							八半至九半
		物理 丙班 王		物理 乙班 王			九半至十半
		物理 甲班 秦		物理 甲班 秦			十半至十一半
	物理 丁班 王	物理 丙班 王	物理 乙班 王		物理 丁班 王		十一半至十二半

▲ 學 科 教 授 會 主 任 表

姓 名	任 主	別 號	籍 貫	住 址
沈尹默	國文	尹默	浙江吳興	東城什方院三十五號
胡適	英文	適之	安徽績溪	本校
秦汾	數學	景陽	江蘇嘉定	西城前泥灣西頭
何育杰	物理	吟苜	浙江慈谿	西城北京師範學校內
俞同奎	化學	星樞	浙江德清	西城機織衛中間路北

紀 事

▲ 北 京 大 學 之 進 德 會

今人恆言西方尚公德而東方尚私德又以為能盡公德則私德之出入曾不足措意是誤會也吾人既為社會之一分子分子之腐敗不能無影響于全體如疾疫然

其傳染之廣往往出人意料昔儀狄作酒禹飲而甘之曰後世必有以酒亡其國者遂疏儀狄而絕旨酒司馬遷曰夏之亡也以妹喜殷之亡也以妲己子反瀋于酒而楚軍以敗拿破崙命惑于色而普魯士之軍國主義以萌私德不修禍及社會諸如此類不可勝數又如吾國五六年來政治界

實業界之腐敗達于極端而禍變紛乘浸

至亡國者寧非由于少數當局驕奢淫佚

之餘不得已而出奇策以自救遂不惜以

國家為犧牲與易曰善不積不足以成名

惡不積不足以滅身勿以小善為無益而

弗為也勿以小惡為無傷而為之鄙人二

十年前鑒于吾國談社會主義者之因以

自便名為提倡實增阻力因言惟于交際

之間一介不苟者夫然後可以言共產又

惟男女之間一毫不苟者夫然後可以言

廢婚姻(見民國野史乙編蔡子民事略)

正此意也民國元年吳稚暉李石曾汪精

衛諸君發起進德會于上海會員別為三

等持不賭不嫖不娶妾三戒者為甲等會

員加以不作官吏不吸煙不飲酒三戒為

乙等會員又加以不作議員不食肉為丙

等會員當時論者頗以不作官吏不作議

員二條為疑然題名入會為甲等會員者

踵相接矣未幾而人以事由海道北行同

行者三十餘人李注二君亦與焉舟中或

提議進德會事自李注二君外同行者率

皆當時之官吏若議員羣以官吏議員兩

戒為不便乃去此兩戒別組一會即以同

舟之三十餘人為發起人而宋遜初君提

議名為六不會眾贊成之又同時發起一

社會改良會所揭著者凡三十六條第一

曰不狎妓第二曰不置婢妾第十九曰不

賭博第二十九條曰戒除傷生耗財之嗜

好猶六不會意也其後為政潮所激盪六

不會若社會改良會之發起人次第星散

未及進行而進德會之新分子則間見于

上海之報紙焉北京自袁政府時代買收

議員運動帝制攫全國之公款用之如泥

沙得之者無所顧惜則狂賭狂嫖一方面

顯于微倖之心一方面且用為鑽營之術

謬種流傳迄今未已鄙人歸國以後先至

江浙各省見夫教育實業各界凡嶄然現

頭角者幾無不以嫖賭為應酬之具心竊

傷之比抵北京此風尤甚尤可駭者往昔

昏濁之世必有一部分之清流與敝俗奮

鬥如東漢之黨人南宋之道學明季之東

林風雨如晦鴟鳴不已而今則眾濁獨清

之士亦且踽踽獨行不敢集同志以矯末

俗洵千古未有之現狀也曾於南洋公學

同學會(中央公園)及譯學館校友會(

江西會館)中提議以嫖賭娶妾三戒編

入會章聞者未之注意也其後見社會實

進會規則有此三戒而雍君所發起之社

會改良會則專以此三者為條件吾道不

孤助以張目惜其影響偏于一隅既承乏

北京大學常欲以南洋同學會譯學館校

友會所提議而未行者試之於此二千人

之社會會一年來執掌於大體之改革未

遑及此今改組之議業已實行而內部各

方面之組織若研究所若教授會之屬體

育會書畫研究會之屬銀行消費公社之

屬皆次第進行而進德會之問題遂亦應

時勢之要求而不能不從事矣會中戒律

如嫖賭娶妾三事無中外無新舊莫不認

為不德懸為厲禁誰曰不然官吏議員二

戒在普通社會或以為疑而大學則當然

有此(法科畢業生例外)教育者專門

之業學問者終身之事委身學校而禁情

閑院用志不紛之謂何且或在學生時代

營營於文官考試律師資格而要求提前

保送此其躁進與科舉時代之通關節何

異言之可為痛心古諺曰人不婚宦情欲

失半加特力教之神父佛教之僧侶例不

婚娶西洋大學問家亦有持獨身主義者

不婚尚可不宜何難至於煙酒肉食三戒

其貽害之大雖不及嫖賭娶妾其粉心之

重亦不及官吏議員然而衛生味道之樂

亦恆受其障礙故並存之春秋三世之義

治起於衰亂之中用心尙嚴猶及歷升平

而至太平用心乃深而詳故崇仁義禮二

名今仿其例而重定進德會之等第如左

甲種會員 不嫖不賭不娶妾

乙種會員 於前三戒外加不作官吏

不作議員二戒

丙種會員 於前五戒外又加 不吸

煙 不飲酒 不食肉三戒

入會之條件

(一)題名於冊并註明願爲某種會員

(二)凡題名人會之人次第布諸日刊

(三)本會不答既往傳日人誰無過過

而能改善莫大焉袁了凡曰從前種

種譬如昨日死以後種種譬如今日

生凡本會會員入會以前之行爲本

會均不過問(如已娶之妾亦聽之)

同會諸人均不得引以爲口實惟人

會以後於所認定之戒律有犯者罰

之

(四)本會俟成立以後當公定罰章並

舉糾察員若干人執行之

入會之效用

(一)可以緝已 諺曰從善如登從惡

如崩吾國人在鄉里多謹飭而一到

都會租界則有放蕩者歐美人在本

國多謹飭而一到外國則亦有放蕩

者社會之制裁有及有不及也今以

本會制裁之庶不至於自放

(二)可以謝人 歐美之學者官吏商

人均視嫖賭娶妾爲畏途偶有犯者

均諱莫如深而我國則狎妓徵優文

人以爲韻事看竹尋芳公然著之東

帖官吏商賈且以是爲聯絡感情之

一端苟非畫定範圍每苦無以謝人

今以本會爲範圍則人有以是等相

勸者徑行拒絕亦不致有傷感情

(三)可以止謗 語曰止謗莫如自修

吾北京大學之被謗也久矣兩院一

堂也探豔聞也某某等公寓之賭窟

也捧坤角也浮豔劇評花叢趣事之

策源地也皆指一種之團體而言之

其他攻訐個人者更不可以樓指計

果其無之則禮義不愆何卹於人言

然請本校同人一一自問種種之謗

即有言之已甚者其皆無因而至耶

既有此因則正賴有此謗以提撕吾

人否則淪胥以鋪耳不去其因而求

弭謗猶急行而避影也其又何益今

以本會爲保障苟人人能守會約則

謗因既滅不弭謗而自弭其或未滅

則造因之範圍愈狹而求之不難盡

多數之力以滅之豈無望耶

發起人蔡元培白

學生紀事

▲籌備學生儲蓄銀行委員會通

告

敬啓者本行招股以來認股者十分踴躍

現在急需籌備開始營業之事特定於本

月二十日午前九時開臨時會務請本會

同人屆時蒞會爲荷

▲音樂會啟事

本會一切進行事務均待討論茲定於月

之二十一日(星期二)下午四時半在華

美春開會凡新舊會員屆時務請惠臨爲

盼

▲廣東同鄉會啟事

理工分預科暨補習班廣東同鄉諸君鑒

茲定於十九日(星期六)下午七時在文

科第一教室開交際會務希早臨爲盼

廣東同鄉會交際員謹啓